

四庫全書

子部

欽定四庫全書

山堂肆考卷五十七

明 彭大翼 撰

臣職

侍讀

唐以前雖有侍讀侍講之事而未以名官至唐開元三年上以讀書有所疑滯無從質問乃選儒學之士馬懷素褚無量更日侍讀禁中十三年改麗正書院為集賢書院日選耆儒一人以質史籍疑義因置集

賢院侍讀侍講而侍讀學士侍講學士之名始于此

稗擷經史

唐文宗時鄭澣為侍讀學士帝使稗擷經史為要錄愛其博而精因舉諸條摘問之隨即酬析無留

分講詩書

唐穆宗時韋處厚路隋為侍讀召入太液亭命分講毛詩關雎尚書洪範等篇訪以理體處厚演經義以廣規風

姿儀秀偉

唐崔郾姿儀秀偉人望而慕之敬宗即位拜翰林侍讀學士旋進中書舍人謝曰陛下使臣侍讀歷半歲矣不一問經義臣無功不足副厚恩帝慚曰朕少間當請益耆儒

會要先是侍讀之名未崇宋真宗首置此職擇耆儒舊學以充其選班次翰林祿賜如之設直廬於秘閣侍讀更直日給尚食珍膳夜則迭宿以待召對

端士

四朝國史宋元祐初將啟講筵宣仁太后諭執政云陸佃蔡卞皆少年宜用老成端士乃以趙彥若兼侍讀

履行純謹

宋皇祐中翰林侍讀學士郭勸乞致仕帝以勸履行純謹立身清約特降詔不允示優恩也

議論該洽

宋仁宗詔侍讀學士張錫講書禁中錫敷暢經旨議論

該洽上嗟賞之

條上十議

宋哲宗即位以呂公著為過英侍讀上言臣待罪講讀  
謹條上十議以裨聰明一曰畏天二曰愛民三曰修身  
四曰講學五曰任賢六曰納諫七曰薄斂八曰省刑九  
曰去奢十曰無逸

奏進五規

宋鄭丙字少融淳熙中兼侍讀取唐陸贄奏議切時務

者反覆開陳進司馬光五規範祖禹帝學以資乙覽

讀三朝寶訓

資政殿侍讀學士韓維讀三朝寶訓至真宗祀汾陰日  
見一羊自擲道左怪問之左右對曰今日尚食殺其羔  
真宗不樂自是不殺羊羔讀畢奏言曰此特真宗小善  
耳推此心以及天下則仁不可勝用也真宗自澶淵之  
後十九年不言而天下富庶其源蓋出于此

進三經要語

宋呂公著為通英侍讀講論語畢上奏曰將來講論語  
終帙進講尚書二書皆聖人格言人君為治之要也臣  
輒于二書及孝經中節其要語共一百段進呈以便聖  
覽亦日就月將之一助也

### 命讀經史

宋太宗用著作郎呂文仲為侍讀常出經史命讀之文  
仲與侍書王著更宿而書學葛端亦直禁中每暇日多  
召問之文仲以經書著以筆法端以字學



召問經書

宋隆興元年十一月命侍讀官通宿學士院朝夕宣召商確古今問以經書

讀唐書一傳

會要天禧舊制侍讀初無所職但侍立而已自宋綬夏竦為侍讀始今日讀唐書一傳參釋義理

進唐事二條

元祐間蘇頌兼侍讀奏言國朝典章大抵沿襲唐舊乞

直臣宜令生還

宋樞密直學士陳襄在經筵日嘗論薦當世之士自司馬溫公而下三十三人最後言鄭俠小臣愚直敢言如此是亦發于忠義非陛下矜憐其志而使得生還誰復為俠言者

反覆開導

蘇軾為侍讀學士至治亂盛衰邪正得失之際未嘗不反覆開導上雖恭默不言然聞軾所論輒首肯善之

委曲接引

宋衛國公史浩字直翁淳熙中除醴泉觀使兼侍讀進讀三朝寶訓及真宗正說事關治體及當法祖宗者必委曲接引開廣上心因引陳襄故事薦石斗文等五人皆召赴闕再兼侍讀又薦薛叔似等一十五人叔似召用餘皆以次收擢

侍講

侍講之名見前侍讀

賜衣

東漢劉寬靈帝初拜大中大夫侍講光華殿賜衣一龍衣  
賜錦

唐崔郾為侍講學士與同列高重抄撮六經嘉言要道  
區分事類凡十卷名曰諸經纂要冀人主易於省覽上  
嘉之賜錦二百疋

疑事口宣

唐文宗時王起為侍講或僻字疑字令中使口宣即以

詔史官采錄新唐書中君臣所行日進數事以備聖覽  
遂詔經筵官遇非講讀日進唐故事二條公每有所進  
或可為規戒或有補時事者必述以已意反復言之

外戚不使預政

宋陳正獻公俊卿兼侍讀會錢端禮起戚里秉政駸駸  
入相館閣之士相與上䟽斥之皆為所逐公進讀寶訓  
適及外戚事公極言本朝家法外戚不使預政最有深  
意上首肯久之端禮卒不相

召為侍講

文思贍逸

唐韋處厚博覽史籍而文思贍逸穆宗謂其學有師法  
召入翰林為侍講學士

進呈法言

唐韋處厚為侍講學士以穆宗幼冲不向學即與路隋  
合六經掇其粹要題為法言得十一篇進呈冀助省覽  
諱言淫事

講日各進漢故實二事頌于逐事之後畧論得失大旨以寓規諫

反覆開陳

宋呂申公侍講筵時仁宗春秋高公于經傳同異訓詁得失皆陳其畧至于治亂安危之要聞之足以戒者乃為上反覆開陳之

周悉講論

宋仁宗命侍臣講毛詩諫官余靖疏曰天子之學與臣

榜子寫對故起著口宣十卷

疑義顧問

唐文宗時王起許康佐為侍講學士柳公權為書學士  
每有疑義即入殿顧問討論謂之三侍學士

經術該深

唐鄭覃文宗時召為翰林侍講學士覃于經術該深淳  
篤守正帝尤重之李宗閔知政事以覃與李德裕厚忌  
其親近遷工部尚書欲推遠之帝雅志向學頗思覃復



宋仁宗退朝常命侍臣講讀于過英殿賈昌朝時為侍  
講講春秋左氏傳每至諸侯淫亂之事則畧而不說上  
曰六經載此以為後王監戒何必諱耶

分賜唐詩

元祐元年賜宰執經筵官宴于東宮上親書唐人詩分  
賜之以講論語終篇也

各進漢事

宋元祐間蘇頌為侍讀請如慶厯故事詔講讀官遇不

下不同惟當撮全經之樞要復先王之軌範簡而不煩  
為得其術上曰靖誠知治體因命侍臣講讀有關教化  
者周悉講論

預正衣冠

宋范祖禹詰朝當侍講先一夕正衣冠儼然如在上前  
及當講時開列古義仍叅之時事及近代本朝典故以  
為戒勸

預為沐浴

宋尹焞為說書每當講前夕必齋戒沐浴曰欲感悟人君安得不敬

臺丞特召

宋慶厯二年召御史中丞賈昌朝侍講迺英閣故事臺丞無在經筵者仁宗以昌朝長于講說特召之紹興中萬俟卨中丞高羅諫議檄並兼侍講又董殿院德元王正言珉並兼侍講非臺丞諫長而稱侍講又自此始

宮觀兼充

會要元豐以來多以宮觀兼侍讀乾道七年寶文閣侍制胡銓除提舉佑神觀兼侍講

言簡理明

東坡嘗謂李廌曰范淳夫講說為經筵講官第一言簡而當無一冗字無一長語義理明白而成文燦然乃得講師三昧也

色溫氣和

伊川曰昨在經筵曾說與溫公云更得范淳夫在筵中

尤好溫公問何故願曰自度少溫潤之氣淳夫色溫而氣和尤可以開陳是非導人主之意遂除侍講

師民上書

趙元昊反罷進講侍講趙師民上書陳十五事八曰延講讀因獻勸講箴至是復命講讀經史

純仁陳說

宋元豐中范純仁兼侍講語人曰國之本在君君之本在心人君之學當正心誠意以仁為體使邪僻浮薄之

說無自而入豈務章通句解以資口舌之辨哉及在經筵進講必反覆開陳其說

成就君德

宋程伊川為崇政殿說書上奏經筵三事三曰天下治亂係宰相君德成就在經筵

感動上心

言行錄伊川在經筵當進講必宿齋豫戒潛思存誠以感動上心又云哲宗幼冲正叔以師道自居每侍上講

色甚莊繼以諷諫上畏之正叔曰吾以布衣為上師傅其敢不自重一日講讀罷未退上忽起憑檻戲折柳枝伊川進曰方春發生不可無故摧折文潞公與呂范諸公入侍經筵聞先生講說相與嘆曰真侍講也

孫奭拱立

宋王曾以仁宗初即位宜近師儒乃請御崇政殿西閣召侍講直學士孫奭馮元講論語初詔雙日御經筵自是雖隻日亦召侍臣講讀帝在經筵或左右瞻矚及容

體不正與即拱立不講帝為竦然改聽

安石請坐

舊制坐而論道列置書冊于御前仁宗富于春秋令儒臣立就御案便于指示至神宗朝王安石侍講以為道之所存禮亦加重請復坐講之儀乃下禮官議韓維以下三人以為當坐劉攽以下七人以為不當坐乃不行元祐初程頤為侍講復請坐不從

展過英閣



哲宗時程頤侍講奏邇英暑熱乞就崇政延和殿或寬涼處講讀給事顧臨以殿上講讀為不可有旨修展邇英閣

開延英席

丁未錄治平四年諭侍講司馬光詔曰今將開延英之席宜觀孟子

司馬康為講官言于英宗曰孟子為書最醇正言王道尤明白所宜觀覽也

專講春秋

胡文定公紹興初兼侍講專講春秋時講官四人援例各專講一經上曰他人通經豈胡某比不許

上五箴

宋馮元明道五年為翰林侍講學士上金華五箴詔書寵之

推三德

宋哲宗初司馬康侍講洪範至又用三德上曰只此三

德更有德否公因上書曰陛下能審而問之必能體而行之三德者人君之大本推而廣之足以盡天下之要按三德一曰正直二曰剛克三曰柔克

乞寫二圖

宋范冲為侍講上言乞依仁宗邇英閣故事寫書無逸及孝經天子四章為圖設於講殿之壁上親御宸翰寫成二圖因以語宰執於是趙鼎贊上從善汲汲之意

須積四字

系年錄宋王巖叟字彥霖因侍講筵奏曰陛下退朝何以消日上曰看文字對曰陛下以讀書為樂天下幸甚大抵聖賢之學須在積累積累之要在專與勤四字願留聖心

## 起居省

附起居舍人起居郎起居注

歷代沿革周官有左右史蓋今起居之本漢武帝有禁中起居注後漢馬皇后撰明帝起居注則漢起居似在宮中為女史之任其後起居皆近侍之臣錄記

也歷代有其職而無其官後魏始置起居令史每行  
幸宴會則在御左右記錄帝言及賓客訓答北齊有  
起居省至隋煬帝乃于內史省置起居舍人二員唐  
置起居郎二人天子御正殿則郎居左舍人居右有  
命俯陛以聽季終以授史官貞觀中以給事諫議兼  
知起居注或知起居事每仗下議政事起居郎一人  
執筆記錄於前史官隨之其後又有舍人分侍左右  
秉筆隨宰相入殿若仗在紫宸內閣則夾香案分立

殿下直第二螭首和墨濡筆皆即螭首之坳處時號螭頭及許敬宗李義府為相奏請多畏人知乃命起居舍人對仗承旨仗下與百官皆出不復關事務矣宋初沿唐制起居郎隸門下省起居舍人隸中書省號小兩省官皆虛名不典本省事而典職者自號脩起居注凡二人天子御殿記注官不侍左右唯朝會對立於香案前行幸則從上出入元豐中兼修注王存乞復起居郎舍人之職使得盡聞天子德音退而

書之五年官制行罷修注而郎舍人始專其職

書言動

禮玉藻天子玄端而居言則左史書之動則右史書之  
按起居郎曰左史起居舍人曰右史所書言動曰起居  
注

存善惡

東漢荀悅傳古者天子諸侯有事必告于廟廟有二史  
左史記言右史記事事為春秋言為尚書君舉必書善

惡成敗無不存焉

願慎出言

唐杜正倫知脩起居注對太宗曰臣職當脩起居注不敢不盡其愚直若一言乖於道理則千載累於聖德非直當今損於百姓也願陛下慎之

請納封事

唐玄宗時吳兢為起居郎上疏請容納封事

職在司言



玄宗親製春臺望一章起居舍人蔡孚奏臣職在司言  
請宣示百僚及編國史

職當載筆

唐太宗謂褚遂良曰卿知起居記錄何事朕有不善卿  
亦書之耶遂良曰守道不如守官臣職當載筆君舉必  
記黃門侍郎劉洎曰設令遂良不記天下之人亦皆記  
之

質證是非

唐張次宗有文學開成中為起居舍人每入閣左右史立於螭頭之下宰相奏事得以備錄宰臣既退上召左右史更質證所奏是非故開成政事詳於史氏次宗尤稱奉職

記錄議論

唐鄭朗字有容為起居郎文宗謂宰臣曰朕聞內庫惟二錦袍飾以金鳥一袍玄宗幸溫湯時御之一與貴妃當時貴重如此如今奢靡豈復貴之時朗執筆螭頭下

宰臣退上謂朗曰適所議論卿記錄未吾試觀之朗對  
曰臣執筆所記便名為史故事帝王不可取觀上曰朕  
恐平常閒語不關理體垂諸將來竊以為耻異日臨朝  
庶幾稍改何妨一見朗遂進之

文史博涉

褚遂良為起居郎文史博涉工隸楷太宗召令侍書

文章俊拔

唐鄭肅字仁表為起居郎文章俊拔自謂門地人物文

章俱美恃才傲物嘗曰天瑞有五色雲人瑞有鄭仁表  
對仗承旨

唐永徽之後左右史惟得對仗承旨已後謀議皆不得  
預聞姚璿請撰時政記

珥彤記事

文選王元長詩序書笏珥彤記事于僊室

紫宸咨訪

唐文宗時周墀兼起居舍人帝御紫宸殿或召左右史

咨訪所宜最為天子欽矚

赤墀記注

唐職林鄭覃曰記注操筆赤墀下其書為後世法不可用黨人

諫罷封禪

唐貞觀中有事泰山褚遂良為起居郎諫罷封禪之事請隨宰相

唐會要馮定請許左右史隨宰相入延英殿記事宰臣

不樂

分直崇政

東都事畧宋太祖召梁周翰兼史館修撰遷起居舍人  
兼起居郎因言皇帝宣諭之言侍臣論列之事望修為  
時政記令郎與舍人分直崇政殿以記言動別為起居  
注每月先進御後降付史館起居注進御自梁周翰始  
也

立侍邇英

宋仁宗朝講讀官侍迺英者皆立每問事則衆人齊對  
頗為紛擾乃詔皆坐唯當講讀者以次立而記注官亦  
坐石昌言奏曰記注官當立侍密迺德音以詳記錄遂  
命立侍

特用唐詢

宋唐詢上言執政純用科名人修起居注非故事也未  
幾修注員闕仁宗遂特用詢

無易彭乘

宋仁宗實錄初修注員闕中書擬人而彭乘在選中上  
指乘曰此老儒也雅有恬退名無以易之及召見諭曰  
卿先朝舊人久補外未嘗自言對曰臣生孤遠自量其  
分不敢過望上頗嘉之

職聯兩省

宋王初察制左右置史筆載螭坳職聯兩省

名高三俊

宋陳后山寄張文潛舍人詩名高三俊上官立右螭傍



退匿楹間

宋崔遵度字堅白大中祥符初同修起居注十餘載常退匿楹間慮為上所見其恬于勢利如此

對立殿下

續會要起居郎舍人掌記言動天子御正殿則俟于門  
廡外御便殿則侍立行幸則從大朝會則對立殿下螭  
首之側

推遜希同

言行錄朝廷欲用蘇軾為起居舍人公起于憂患不欲驟履要地力辭之宰相蔡持正曰公回翔久矣朝中無出公右者公固辭持正曰今日誰當在公前者公曰昔林希同在館中年且長持正不許

廷責之望

宋胡銓字邦衡擢起居郎論記注不應進案前後殿皆當侍立遇直前每曰閣門無隔班次金人再求和公曰願絕口不言和字上嘆其忠直王之望尹穡皆主和排

張忠獻公公廷責之聞者稱快


勸訪政事

歐陽修仁宗朝修起居注每勸上延見大臣訪以政事

陪侍經幄

中興會要紹興二十八年詔起居郎舍人自今已後許依講讀官例奏事先是起居郎洪遵言臣幸得以記注陪侍經幄伏聞元祐中起居舍人呂陶嘗乞候講讀臣僚再留奏事並許侍立以見講退猶且入侍何由不許

奏事乞下講筵所依講讀官例施行故有是詔



山堂肆考卷五十七

欽定四庫全書

子部  
山堂肆考卷五十八

詳校官中書臣孫溶

主事臣祁韻士覆勘

總校官降調編修臣倉聖脈

校對官中書臣陸湘

謄錄監生臣繆瀛

欽定四庫全書

山堂肆考卷五十八

明 彭大翼 撰

臣職

秘書省

歷代沿革周外史掌四方之志三皇五帝之書漢圖書所在有石渠石室延閣廣內貯之于外府又有御史中丞居殿中掌蘭臺秘書及麒麟天祿二閣藏之于內禁後漢圖書在東觀桓帝始置秘書監一人魏

武帝置秘書令典尚書奏事即中書令之任也文帝  
置中書令而秘書改令為監初屬少府自王肅為監  
乃不屬晉武帝以秘書併入中書省其秘書著作之  
局不廢惠帝復別置秘書監併統著作局及掌三閣  
圖書自是秘書之府始居于外梁曰秘書省後周秘  
書監亦領著作監掌國史隋秘書省領著作太史二  
曹改監為令唐武德初又改為監龍朔二年改秘書  
省為蘭臺改監為太史天授初改秘書省為麟閣神



龍初復舊領著作太史二局通判省事少監貳之其  
後國史太史分為別曹而秘書省但主書寫校勘而  
已宋太平興國二年始建崇文院而昭文館史館集  
賢院皆統于崇文院端拱初建秘閣亦在崇文院中  
淳化中秘書雖有監少監丞郎校書郎正字著作郎  
佐皆以為寄祿官常帶出入凡邦國經籍圖書悉歸  
秘閣而秘書所掌惟祭祀祝版而已元豐正名以崇  
文院為秘書省既罷館職盡以三館職事歸秘書省

并置秘書省職事官自監少至正字不領他局舊秘書省建于禁中至高宗紹興初權寓于臨安法惠寺四年新建于天井巷左五年立定員數自監少丞之外以十八人為額隆興元年詔以七員為額二年詔依祖宗舊法更不立額

木天

六典內諸司舍屋唯秘書閣最宏壯高敞謂之木天

芸局

陳子昂集芸局都奧見天下之圖書

蓬山

晉華嶠後漢書學者稱東觀為老氏藏室道家蓬萊山  
注云老子為守藏史復為柱下史四方所記文書皆歸  
之又蓬萊海中神山是為僊府幽經秘錄咸在焉今學  
者稱東觀為藏室為蓬萊山者言其經籍之多也又鄭  
氏譚綺秘書監曰大蓬春明退朝錄有人嘗為翰林學  
士語同列曰禁中視草非養病之地他日解職得遂大

蓬之拜歸息數畝之園入就三品之列優游終老則為  
幸矣嶠字叔駿嘗作漢紀十卷

瑞石

西京雜記秘書省廳事前有隕星石隋自咸陽移置于  
此王邵作瑞石頌以贊美之唐秘書省有落星石及薛  
少保稷畫鶴賀監草書郎餘令畫鳳相傳為四絕元和  
中韓公武為秘書郎挾彈中鶴眼時謂五絕

內庫

六典漢劉向揚雄典校秘書皆在禁中謂之中書猶今言內庫書也後漢藏書于東觀亦在禁中

### 外臺

魏志太和中秘書丞薛夏嘗以公事移蘭臺或謂蘭臺自一臺也而秘書署耳謂夏不得移也推使當有言者夏報之曰蘭臺為外臺秘書為內閣臺閣一也何不可相外之有蘭臺屈無以折自後遂以為常按夏字宣聲天水人博學有才文帝嘉之黃初中為秘書丞

華省

唐宋廣平集睠彼蘭臺古稱華省又六帖地居華省職在修文

病坊

宋晏殊類要唐以秘書望雖清雅而實非要劇權貴子弟多不屑此故以監為宰相病坊丞及著作郎為尚書郎病坊秘書郎及著作佐郎為監察御史病坊

儀依御史

晉武帝初置秘書儀依御史又通典漢初御史中丞掌  
蘭臺祕書圖籍之事至魏晉其制猶存故歷代營都邑  
置府寺必以祕書省及御史臺為鄰

額倣學士

容齋隨筆宋建炎南渡稍置館職紹興定制除監少丞  
置著作郎佐郎祕書郎校書郎正字各二員校書正字  
置十二員為額倣唐瀛州十八學士之數

撰皇覽

已下祕書監

魏文帝以王象領秘書監撰皇覽

定官書

晉張華徙居嘗載書三十乘秘書監摯虞撰定官書必資華本以取正

著陽秋

晉孫盛字子固為秘書監著三國晉陽秋詞直理正桓溫見之怒謂盛子曰枋頭誠失利何至如尊君所言此史遂行自是闕君門戶事其子拜謝請刊改之盛年老



性方嚴諸子號泣稽顙請為百口計盛大怒不許諸子私改之

證經傳

晉荀勗字公曾武帝朝領秘書監太康二年得汲冢中古人竹書躬自撰次以為中經列在秘省經傳闕文多所證明

荀崧通傳

晉溫嶠舉崧為秘書監曰散騎常侍荀崧文質彬彬思

義通博宜掌秘奧宣明史籍

常景清儉

後魏常景為秘書監性清儉衛將軍羊琛等七人各出千錢為買馬

讚述符命

晉庾峻字山甫自司空長史轉秘書監讚述符命以至天文地理皆有述焉

參預朝政

唐魏徵字玄成為秘書監叅預朝政又奏引學者校定四部書自是秘府圖籍燦然畢備

雅有文學

宋王益柔字勝之元豐初除秘書監以勝之雅有文學故也

素嗜文集

宋賈黃中貌素豐碩雄壯自至道中澶淵受代赴闕頓覺羸瘵鬱若枯藤上憐之拜禮部侍郎兼秘書監以黃

中素嗜文集而秘書無事優之也

校讎紛雜

梁任昉字彥升為秘書監自齊永元以來秘閣四部書  
篇卷紛雜昉手自校讎由是篇目始定

剖析奇難

唐顏師古字籀太宗命為秘書監專典刊正所有奇書  
難字衆所共惑者隨疑剖析曲盡其妙

佩蒼玉

晉令秘書監品第五絳朝服銅印墨綬進賢兩梁冠佩  
水蒼玉

賜紫服

宋孝宗幸秘書省賜宰臣史浩以下御製詩一首秘書  
監陳騏少監鄭丙賜紫章服

監理圖籍

晉惠帝永平中詔秘書監考校古今監理圖籍

商略古今

唐虞世南越州人字伯施為秘書監太宗嘗引之論古帝王行事得失必存規諫上嘗謂侍臣曰朕每與世南商略古今朕有一言之善世南未嘗不喜悅有一言之失未嘗不悵恨朕嘗戲作艷詩世南進曰聖作雖工體制非雅此文一行恐致風靡臣不敢奉詔其懇誠如此

柳詵入宴

隋煬帝拜柳詵為秘書監退朝之後便命入閣筵宴諷詠終日而罷帝每與嬪后對酒時逢興會輒命詵與帝

同榻共席昵若朋友帝猶恨不能夜召于是命刻木偶人施機關能坐起拜伏以象警帝每月下對酒令宮人置之于座與相酬酢而為歡飲

齊賢出謁

宋張齊賢字師亮改秘書監致仕嘗出謁其子曰昔賀監以道士服東歸會稽大人盍衣羽服以優游何必更事請謁齊賢曰且作白頭老監枕書而眠何必學賀老作流沙之服時以為名言

典領律數

晉詔曰尚書華嶠歷覽古今博聞多識有良史之才可  
轉秘書監加散騎常侍使中書散騎著作及治亂音律  
天文數術南省文章門下撰集皆典領之

更易詔書

宋秦檜養子熺舉進士第歷官秘書監領國史自檜再  
相凡詔書章疏稍及檜者卒更易焚棄之

判事

已下秘書少監



唐太極元年增少監為二員通判省事

試題

宋王安中字履道號初寮以文學知名有密薦于上者  
除著作佐郎踰月蔡京召相見賓吏引入俄抵二室置  
几案筆硯有小黃門至云太師致意文字封呈啟之則  
某制某誥某詔若試西掖三題者履道落筆如泉湧越  
三日內批除中書舍人遂改秘書少監

才德猶茂

唐蕭德言年老請致仕不許詔曰頃年以來天下無事  
方欲建禮作樂偃武修文卿年齒雖長所冀才德猶茂  
卧振高風使濟南伏生再見于茲日關西孔子復顯于  
當今拜秘書少監

儒素見稱

唐王紹宗為秘書少監侍皇太子讀書性雅淡以儒素  
見稱朝廷之上咸仰慕之

與子竝命

唐趙宗儒拜翰林學士時父暕遷少監德宗欲寵其門  
一日竝命

繼兄受職

職林王珣為少監數年而弟璿即繼其職

分纂大典

宋汪大猷字仲素除少監職當修神宗已來會要大猷  
率屬分纂上為置局命宰臣提舉書奏五朝大典始備

重閱新書

宋洪玉甫炎師民第三子也再為秘書少監詩曰再入  
蘭臺逢舊史重游東觀閱新書家徒四壁今無屋誰為  
君王奏子虛按玉甫重聽嘗對上曰世人皆聾于心臣  
獨聾于耳心則了了惟上所使

收集賢才

曲阜制秘書少監豈惟典領圖籍為縉紳之榮庶以收  
集賢才增朝廷之重

會說言行

繫年錄直秘閣曾幾入對上大悅以為少監每與同舍會說前輩言行臺閣典章從容竟日

掌貳天文

四朝志少監掌貳書籍國史天文歷數之事

疏引古誼

宋樓攻媿集上念孫逢吉久在外召為秘書少監時上朝謁重華宮不以時公數具疏引古誼深言之又率同館論奏

富詞藝

宋錢勰除劉攽少監制學者以東觀為老氏藏室道家  
蓬萊山乃國家所以待才用之宅也以爾攽詞藝之富  
回翔之久擢貳厥官蓋將試用

麗文章

黃山谷和孫莘老少監詩王度日修飭文章麗朝班

職近日月

已下秘書丞

魏王肅言秘書丞郎與博士議郎同職近日月宜在三

臺上秘書丞郎儀宜比尚書郎侍御史今尚書郎侍御史乘犢車秘書丞郎乘鹿車不得朝服失崇儒本意

學徧古今

晉庾峻好學有才思遷秘書丞徧觀古今聞見益廣

數奏文賦

魏黃初中嚴苞以高才入為秘書丞數奏文賦帝異之

監掌史事

後周秘書雖領著作不叅史事及柳蚪為秘書丞始令

監掌

謬以為郎

魏何禎為許都賦封上文帝異之下公車徵之禎至用為秘書郎詔本用為秘書丞主者謬以為郎後月餘禎白事上問曰吾本用禎為丞何故為郎按主者罪遂為丞帝又勅云此職宜得才人

乃堪為丞

晉山濤武帝時掌選事稽紹早孤事母孝謹以父得罪



請居私門濤啟帝曰康誥有言父子罪不相及稽紹賢  
侔卻缺宜加旌命請為秘書郎帝曰如卿所言乃堪為  
丞何但郎也遂徵為秘書丞

### 與論書傳

魏薛夏文帝嘉其才與之論書傳未嘗不終日呼為薛  
君黃初中為秘書丞征東將軍曹休來朝帝引入坐定  
復引夏出謂休曰此君秘書丞天水薛宣聲也其見遇  
如此

為定名譽

南齊張率遷秘書丞高祖曰秘書天下清官東南胄緒未有為之者今以相處為卿定名譽

晉品第六

晉令秘書丞品第六銅印墨綬進賢一梁冠絳朝服

梁品第五

梁增品第五秩六百石銅印黃綬唐龍朔中改丞為蘭臺大夫

撰志

齊書王儉字仲實為秘書丞上表求校墳典依七略撰七志四十卷獻之

司文

王仲實撰褚淵碑俄遷秘書丞司文天閣按淵字彥回少有清譽父卒悉推家財與弟澄惟取書數千卷而已學行無比

隋姚察入為秘書丞文帝指謂朝臣曰聞姚察學行當

今無比我平陳惟得此一人

周魯不分

宋紹興中環中為秘書丞嘗進春秋表沈與求奏云不當先魯後周上曰為人臣而不知尊王之義豈可置之三館

郗正耽書

已下秘書郎

蜀志郗正字令先安貧好學弱冠能屬文遷秘書郎性淡榮利尤耽意文章及當代美書

安期對策

晉王承字安期七歲通易選補國子生十五對策高帝  
除秘書郎

十年不調

東漢馬融字季長永初中拜秘書郎中詣東觀典校秘  
書上廣成頌以諷諍忤旨滯于東觀十年不得調按永  
初已後皆稱秘書郎中至隋祖諱中始除去中字

十月便遷

宋齊時秘書郎尤為美職皆為甲族起家之選待次入  
補其居職例十月便遷唐竇威字文蔚授秘書郎不肯  
調者十年其學益博

專精學問

晉司馬彪少篤學不倦不交人事專精學問泰始中拜  
秘書郎又轉為丞

繕寫墳典

後魏高謚字安平有文武才除秘書郎謚以墳典殘闕

奏廣訪郡邑大加繕寫由是圖籍稍以審正

因求不遷

晉張纘字伯緒為秘書郎因求不遷欲徧觀閣內圖籍  
欲處無競

宋書王敬弘子恢之為秘書郎敬弘求為奉朝請與書  
曰秘書有限故有競朝請無限故無競吾欲處汝無競  
之地文帝許之

十朋直除

紹興已邨諫官何溥請館職學官皆試而後除人以為  
憚久之王十朋始以大魁直除秘書郎不試未幾闕員  
日多復召周必大程大昌試止除正字其後無不試者  
黃石免試

宋乾道元年黃石輪對稱旨擢秘書郎仍令免試自廷  
魁之外不試者惟石而已

著經

王隱晉書鄭默字思元為秘書郎刪省舊文除其浮穢



著為中經時中書令虞松曰而今而後朱紫別矣

### 視草

唐上官儀字游韶遷秘書郎太宗每屬文遣儀視草尤  
工詩人謂上官體龍朔中改秘書郎為蘭臺郎天授初  
又改為麟臺郎

### 掌三閣書

晉朝掌中外三閣經書校閱脫誤亦謂之郎中故陸機  
謝表身登三閣

掌四部籍

六典秘書郎掌四部之圖籍分庫以藏之以甲乙丙丁  
為部目甲部為經其類十有一乙部為史其類十有三  
丙部為子其類十有四丁部為集其類有三又四朝志  
唐秘書郎三人掌四部圖籍皆有三本一曰正二曰副  
三曰貯

車服簡素

沈約宋書蕭惠開家雖貴戚而車服簡素初為秘書郎

秘書著作竝名家年少惠開意趣多與之不同比肩三年不與共語

儀度安雅

唐德宗貞元十六年以李藩為秘書郎初徐泗濠節度使張建封之疾病也濠州刺史杜兼陰圖代之疾驅至府幕僚李藩曰僕射疾危如此公宜在州防過來欲何為不速去當奏聞兼錯愕徑歸及是兼誣奏藩搖動軍情上大怒密詔杜佑殺之佑素重藩出詔示之藩神色

不變佑曰吾已密論用百口保卿矣上猶疑之召藩至  
長安望見其儀度安雅乃曰此豈為惡者邪即除秘書  
郎

護軍見奇

魏鍾會字士貴少敏慧夙成中護軍蔣濟著論謂觀其  
眸子足以知人會生五歲見者奇之正始中為秘書郎  
丞相致諷

宋忠肅公張開初為秘書郎時秦檜用事每除臺諫必

與其耳目知聞久次喜論事一日微諷聞謂當入臺聞  
曰丞相苟見知老死秘書足矣檜然由是罷去

闔門誦書

任敬為秘書郎休沐之日闔門誦書

入閣持筆

陳子昂集高府君墓誌其祖欽仁檢校秘書郎持三寸  
筆終入芸香之閣

奏三元頌

唐太宗耕藉田又元日朝羣臣岑文本為秘書郎奏藉田頌三元頌文致華瞻

製千字文

袁朗勤學好屬文在陳時釋褐為秘書郎嘗製千字文當時以為盛作陳後主聞其名召入禁中使為月賦袁染翰立成後主曰謝希逸不能獨美于前矣復詔為芝草嘉蓮二頌深見賞重

始隸中書

己下著作郎

漢東京圖書悉在東觀故使名儒碩學直東觀撰述國史謂之著作東觀皆以他官領焉蓋有著作之任而未有其官負也至魏明帝太和中始置著作郎官隸中書省專掌國史後又置著作佐郎亦屬中書

### 改隸秘書

晉元康詔著作舊屬中書令然秘書既典文籍宜改中書著作為秘書著作于是改隸秘書後又別自置省謂之著作省而猶隸秘書著作省置著作郎一人謂之大

著作唐龍朔中改著作郎為司文郎中著作佐郎為司文郎

採摭前記

東漢班固字孟堅著作東觀採摭前記綴緝所聞以為漢書

博習舊聞

東漢楊彪字文先少傳家學熹平中以博習舊聞召拜議郎與馬日磾盧植蔡邕等著作東觀



五葉

漢應亨讓著作表自司隸校尉奉至臣父五葉著作不絕鄉俗以為美譚

三世

應亨表崔駰三世相繼其後無聞若乃譚遷接武彪固踵跡亦各一世之良

叅定禮儀

東漢張衡傳謁者僕射劉珍校書郎劉騊駼等著作東

觀撰集漢紀并定漢家禮儀上言請張衡叅定

刪除煩亂

臧榮緒晉書李克字弘度為大著作于時典籍混雜克  
刪除煩亂分為四部藏之秘閣以為永制故六帖云漢  
用史才任先班固晉推經術選在李克

以廷尉領

晉孫綽字興公以廷尉卿領大著作于時才筆之士綽  
為之冠故溫王郢庾諸公薨必須綽銘而後刊石

以中書兼

北齊太保二年詔中書令兼著作郎魏收撰後魏史

料四部書

續晉陽秋晉孝武帝好覽文義勅著作郎徐廣料秘閣  
四部書凡三萬六千卷

撰百家例

唐孔至歷官著作郎明氏族之學與常述蕭穎士柳沖  
齊名撰百家類例以張說等為新族剋去之說子均方

有寵怒曰天下族姓何預若事而妄紛紛者耶埶弟素  
善至以實告初書成至以示韋述述謂可傳及聞埶語  
懼欲更增損既而曰大丈夫奮筆成一家書奈何因人  
動搖有死不可改遂罷

作應難篇

王隱晉書張瞻字仲應作應難篇司空張華晚見之稱  
善命為著作郎

作者舊傳

折僚友

隋劉禪之父子翼字小心為著作郎峭直有行嘗面折僚友退無餘訾李伯藥曰子翼詈人人多不憾

成門戶

唐許敬宗除著作郎謂所親曰仕宦不為著作無以成門戶

當代應推

北史韓顯宗除著作郎魏高祖嘗謂顯宗之才朕自委

晉陳壽作益部耆舊傳武帝善之拜著作郎

議限斷

晉陸士衡以文學為秘書監虞濬請為著作郎議晉書  
限斷

哀興衰

唐蕭德言歷著作郎太宗詔魏徵虞世南褚亮及德言  
哀次經史百氏帝王所以興衰者以聞帝曰使我稽古  
臨事不惑者公等力也

造乘輿箴

晉潘尼字正叔轉著作郎造乘輿箴

上明堂賦

唐武后時劉允濟上明堂賦以諷則天甚嘉嘆之拜著作郎

以老被嘲

譚數南宋何承天東海郟人除著作郎時年已老而諸佐郎竝名家年少荀伯子嘲之常呼為妳母承天曰卿

當云鳳凰將九子何言妳母宋陳山詩不畏金根謬寧  
辭乳媪譏益用妳母事為乳媪也

以論見賞

後魏程駿拜著作郎獻文帝屢引駿與論易老之義頗  
見賞識顧謂羣臣曰朕與此人言意甚開暢又問駿年  
幾何對曰六十有一獻文曰昔太公既老而遭文王今  
卿遇朕豈非早也駿曰臣才謝呂望而陛下尊過西伯  
天假餘年願竭六韜之効



悉中省之品卿等所聞若欲取古人班馬之徒固自遼  
濶若欲求之當代之能卿等應推崔孝伯按崔光初名  
孝伯清河人

在館自守

東都事略張耒字文潛從蘇軾學軾稱其文汪洋澹泊  
有一唱三嘆之音元祐初為著作佐郎改著作郎在館  
八年顧義自守泊如也

謝沉史才

晉謝沉為祠部郎何充庾冰以為有史才遷大著作

楊時士望

宋楊龜山時在著庭吳敏之及李綱併以公姓名納上前曰時亦是老儒有士望可令閣門候對班尋召對論當世之務上喜遂擢用之

文府

梁沈約謝著作表珥筆史館記言文府

史閣

北齊著作隸秘書謂之史閣亦謂史館

學行清修

已下著作佐郎

晉陵朱鳳吳郡吳震竝學行清修白首衡門老而未調  
華譚為監知其有史才薦為著佐郎竝稱其職

聲姿清亮

後魏宋弁字義和為著作佐郎高祖孝文帝曾因朝會  
歷訪治道弁年少官微自下而對聲姿清亮舉止可觀  
高祖稱善大被知遇賜名為弁取弁和獻玉楚王不知

寶之意

作南郊賦

晉郭璞作南郊賦獻帝嘉其才拜著作佐郎

撰西觀書

晉束皙字廣微博學多聞晚應司空辟月餘除著作佐郎西觀撰晉書草創三帝紀并十志遷博士著作如故不為今吏

晉武帝欲以郭琦為著作佐郎問尚書郭璋璋憎琦不

附已答云不識帝曰若如卿言烏九家兒能事卿即堪  
郎矣及趙王倫篡位又欲用琦琦曰我已為武帝吏不  
能為今世吏矣卒老于家

不造嬖人

會稽王世子元顯嬖人張法順權傾一時內外無不造  
門唯謝裕不至故年三十方為著作佐郎

作懽喜詩

唐武后召杜審言賦懽喜詩即授著作佐郎

作濛汜賦

晉張載字孟陽作濛汜池賦太僕傅玄見而嗟嘆以車  
迎載言談盡日為之延譽遂起家著作佐郎又作劔閣  
銘除著作郎

封還詔書

唐陽城字亢宗召為著作佐郎并賜緋魚李泌使叅軍  
韓傑奉詔至其家城封還詔書自稱多病不堪奔奉

兼脩國史

唐敬播再遷著作佐郎兼修國史從太宗伐高麗帝名  
所戰山為駐蹕山播謂人曰鑒興不復東矣已而果然  
文學清選

唐王義方曰臣去歲冬初雲陽下縣丞耳今春及夏陞  
下授臣著作佐郎極文學之清選

才學世家

宋李邴字漢老伯父昭玘字成季元祐名士與張晁為  
徒嘗為柱史邴才學能世其家政和末除書局遷著作

佐郎

貧素自居

後周黎景熙大統末拜著作佐郎時倫輩皆位兼常伯車服華侈惟景熙以貧素自居略無愧色又勤於職然性尤固執不合于時是以一為史官遂十年不調

脩潔自重

言行錄宋王存少有立志為小官修潔自重為歐陽公所知趙康靖公所薦召試擢秘書省著作佐郎館閣校



勘校集賢院書籍

作傳

晉元康中詔著作佐郎始到職必撰名臣傳

修書

宋胡文恭行宋敏求制著作有佐隸修書之任故事到職撰名臣之傳

職閒

晉間續字續伯祭酒鄒湛以續才堪佐著薦于秘書監

華嶠嶠曰此官職閒廩重貴勢多爭之不暇求其才遂不能用

價重

蘇東坡送孫著作詩云子亦東南珍價重不可笑

乞遷劉焞

會要宋乾道三年梁克家奏曰著作佐郎劉焞久在館職以拘資格除郎不行乞稍遷擢遂遷之

密薦履道

宋王安中字履道政和中以文學知名除宗學博士時有密薦于上者除著作佐郎

他官入典

已下校書郎

東漢選他官入東觀皆令典校秘書蓋有校書之任而未為官也故以郎居其任則謂之校書郎以郎中居其任則謂之校書郎中至魏始置秘書郎校書郎蓋實有其官矣

太乙下觀

見親王

追美功德

東漢傅毅字武仲肅宗博召文雅之士以毅為蘭臺令  
史拜郎中與班固賈逵共典校書毅追美孝明帝功德  
最盛而廟頌未立乃依清廟作顯宗頌十篇奏之由是  
文雅之士顯于朝廷

考論異同

東漢楊終顯宗時拜校書郎上言宣帝論定五經于石

渠閣今宜如故事于是詔諸儒于白虎觀考論異同

畫像

東漢高彪校書東觀後遷內黃令靈帝勅同僚臨祖送  
于上東門詔東觀畫像以勸學者

書碑

東漢蔡邕拜郎中校書東觀邕以去聖久遠文字多謬  
乃求正定六經文字自書冊于碑碑始立摹寫者車乘  
日千餘兩

頌神雀

東漢賈逵字景伯顯宗時有神雀集宮殿官府帝敕蘭臺給筆札使作神雀頌拜為郎與班固竝校書應對左右

騎蹇驢

唐開元中校書與正字俸祿微少皆孤寒英傑居之至有正字騎驢入省者而太祝奉禮每月請明衣絹布及胙肉俸祿倍多乃公卿子弟居之衣馬比較正頗為輕

肥時有語曰正字校書詠詩騎驢奉禮太祝輕裘食肉  
宋韓子蒼題登瀛圖曰我生不及貞觀初却恨十年身  
校書吟詩天街騎蹇驢爾來戎馬爭馳驅把卷未展先  
歎歔

以神童拜

唐楊炯幼聰敏博學善屬文以神童舉拜校書郎

以進士調

唐張九齡擢進士調校書郎

神清韻遠

唐孔季翊初擢制科授校書郎陳子昂稱其神清韻遠  
可比衛公

名遂官閒

白樂天泛渭賦序予為校書郎名遂官閒一身得所賦  
云臺有蘭兮閣有芸

陰推

唐段成式推陰為校書郎博學彊記秘閣多奇篇秘籍



校閱皆徧

盃脫

唐武后時官職冗濫人為謠曰補闕連車載拾遺平斗  
量權權侍御史盃脫校書郎注云齊魯謂四齒杷為權  
權當作槌權權者言授官之泛如杷權之多也盃通作  
椀小盃也脫椀之形模盃脫者言不得人如模脫盃杯  
個個相似也

問何如

顏氏家訓梁朝貴游子弟多無學術諺云上車不落即  
著作起居何如即校書故宋黃山谷詩校書著作頻召  
除猶能上車問何如

分溫媪

唐開元二年史館進唐書表頻分溫媪之疑仍懼魯魚  
之謬久披緇帙粗定鉛黃

辯論屈人

唐徐岱辯論明銳座人每屈劉晏表為校書郎觀察使

李栖筠欽其賢署所居為復禮鄉為達于朝

敏悟絕人

白居易敏悟絕人擢進士拔萃科補校書郎

能守家法

唐韓愈送鄭涵校理序鄭生涵始以長安尉選為校理人皆曰是宰相子能恭儉守教訓好古義施于文辭者如是而在選公卿士夫家之子弟其知勸耳矣愈事相公三為屬吏今生始進仕獲重望于天下而慊慊若不

足真能守其家法矣

屏去人事

宋樓攻媿集王文定公准為校書郎既入館屏去人事  
讀未見書休沐亦入抵暮始歸

鄭鑑盡言

宋鄭鑑字自明召試館職上見其策問今合除何官龔  
茂良對曰前此學官召試止除正字上曰可除校書郎  
賞其盡言因曰其策中所言或是或非大率剗切不易

汪澈安分

宋汪莊敏公澈遷校書郎安分無求視同舍郎數遷殊  
不介意

不至相門

言行錄宋陳公輔字國佐除校書郎公初入館閣時蔡  
京王黼當國未嘗一至其門

不詣政府

宋楊誠齋文集陳正獻公俊以秘書郎召非公事未嘗

詣執政府

貴妃施粉

已下正字

明皇雜錄唐劉晏以神童為秘書正字方八歲慧悟過人上召入禁中貴妃置于膝上為施粉黛上問晏曰汝為正字正得幾字晏對曰餘字皆正惟朋字未正蓋譏當時朋黨多邪人也

先進器才

唐蕭穎士字茂挺天寶中為秘書正字時裴耀卿席豫

張均宋遙韋述皆先進器其才與之鈞禮由是名播天下

文采綺麗

唐吳通玄父道瓘為諸王太子授經通玄兄弟出入禁掖侍太子遊通玄與兄通微俱博學善屬文文采綺麗通玄應神童舉釋褐秘書正字

占對慷慨

唐陳子昂字伯玉初舉進士上書武后召見金華殿子

昂貌柔雅少威儀而占對慷慨擢蘭臺正字為感遇詩  
三十八章王適見之曰是必海內文宗

不干秦燬

宋洪文公遵除正字閣下前輩皆以畏友待公秦燬為  
秘書郎勢焰赫赫公守道安恬留滯不干

不附安石

宋范祖禹字淳父與司馬光同修資治通鑑書成光上  
章稱薦而祖禹安恬靜默若將終身除秘書正字時王



荆公當國人皆奔競公未嘗往謁王安國與公善嘗諭  
意公執不肯親附

校經

唐裴耀卿少聰敏數歲解屬文應童子舉除正字長興  
三年校經籍亥承之差魯魚之弊

試賦

宋晏元獻公殊年三十真宗面試詩賦疑其宿構明日  
再試文采愈美即除正字令于龍圖閣讀書

布衣上書

宋韓駒字子蒼自布衣有詩名前輩稱許之政和初詣  
闕上書召試中書除正字言者論其不由科舉謫為  
庫

童子召對

宋楊億字大年以童子召對試詩賦五篇下筆立成太  
宗嗟異以為秘書正字制云汝方髫齡不煩師訓精爽  
神助文學生知越景絕塵一日千里予有望于汝也

對策見奇

宋寥正一字明略元祐中蘇軾在翰林試館職士得正一對策奇之除正字

奏篇見許

宋周益公必大字子充召試館職高宗見其奏篇甚見稱許諭宰相曰他日可令刊正文字遂除正字

山堂肆考卷五十八